

K32/27

1/2

S. 346/12)

8/20

S. Naosa

War between Seabe and Kuku Tribes
Ntwa ya mosadi.

1

Kwa Seabe go ne go busa kgosi ba re ke Tshane kwa kutu e le Moagi. Janong Tshaane o ile a romela batseta go ya thopa ngwanyana kwa Moagi, mme ba ile ba thopa mosadi ba mo isa ga Seabe sa Majatladi gona mo ba leng ka jeno. Mme ba ile ba gana Matebele Moagi ba re, ngwana wa rona wa Letebele a thopja ke Mokgatla wa Seabe. Ke fa ba tla lootsa marumo go lata ngwana wa mosate.

Re utlwa gore Seabe ke fejane ya Bakgatla ka mphela. Bakgalabje ba re kwa Lehurutse bogolo-golo go tswile barwa ba bararo ba Bakgatla ba ya Botshabela e le Mosetlha wa pele wa bobedi e le Motsha, yo mongwe e le Mmakau, yo mongwe a le teng wa fejane e le Seabe.

2

Re utlw gore Moagi yena setso sa gagwe ke kwa Laka a Masebe. Ke pharologano ya tshaba sa Mmapela, bogolo-golo e ne e le ba bangwe ba mosate wa Laka, mme ba phetlalatswa ke kgosi tsa bafsa le dintwa tsa bo Moselekatse. Ke fa ba tla bothologa mme ba tla go aga Borwa.

Janong Moagi ka go thopelwa ngwana ke ba kgosi Tshane a romela madira go lata ngwana ka marumo, mme ba Seabe ba re ba gana ka yena, rumo la ja motho Bakgatla ba lwa le Matebele. Mme marumo a Matebele a imela Tshaane a bona gore mpja tsa gagwe di a fela, mme a duela Moagi ka pholo e ntsho. Janong marumo a itibala ga ba kgotso go fitlha ka jeno.

3

Re utlwa gape gore bogolo-golo rago Tshaane wa Seabe o ile a lata Matebele a Mfatlha fa ba le Tsiditsane, a kopā go bo Mmalebodi le Morena Motshela gore a gumane ngaka e e ka thegang motse wa Seabe. Mme re utlwa gore kgosi ya Seabe kopo ya yona e utlwile kwa Mfatlha. Go ne go le ngaka ba re ke Makelepe wa kgoro ya Kolefe monna wa mmina phuti wa Matebele a Seleka.

Kgosi a mo romela ga Seabe, gore a theye motse wa Seabe. Mme o ile teng a bitsa kgosi ya Seabe, ya re bosiu ba iteela

S 346

R32/27

2X

4 mamepe motseng wa Seabe. Mme kgosi ya supisa Makelepe pholo e ntsho
Makelepe a bolella kgosi Seabe gore e re ka tsatsi la gore, o supise
pholo ye tsela e tla tla kwa Tsiditsane golo fa go ka bang mmeile
tse masome a tsholelang. Janong ka tsatsi la go bolelwa ke ngaka ya
Mfatlha kgosi ya Seabe a bulela pholo, a e loya, a e supisa tsela go-
re fa e fitlha Tsiditsane e je motho, fela pholo ye ntsho ye e ile
ya palelwa ke go tshela mellwane Tsiditsane.

5 Ba re e tsene e le bosasa batho ba ile masimong mme banna,
ba utlwa pholo e bopa e re, Boo-oo-oo, e fata mo gatshe ka ditlhako;
ke gona ba romela mosimane go bitswa Makelepe a le tshimong ya
gagwe. Mme yona, a tsamaya a tsaa kuba ya gagwe a e betsa
mpeng, mme pholo ya boela morago ga Seabe, e jele botlhoko. E rile
fa e fitlha ga Seabe, kgosi ya swa. Mme tshaba sa Seabe sa
latlhegelwa ke kgosi ya sona ya go lwa le Makelepe ka boloi.

END S 346